

**Ministarstvo za rad, socijalnu politiku, raseljena lica i izbjeglice Kantona Sarajevo**

Na osnovu čl. 66. st. (1) i (2) i 68. stav (3) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u skladu sa članom 6. stav (2) Uredbe o subvencioniranju troškova grijanja ("Službene novine Kantona Sarajevo", br. 4/05, 7/08, 37/13, 51/14, 8/18, 9/19 i 50/20), ministrica za rad, socijalnu politiku, raseljena lica i izbjeglice Kantona Sarajevo donosi

**INSTRUKCIJU  
O VISINI MJESEČNOG NOVČANOG IZNOSA  
SUBVENCIONIRANJA TROŠKOVA GRIJANJA****Član 1.**

(Predmet Instrukcije)

Ovom instrukcijom utvrđuje se visina mjesečnog novčanog iznosa subvencioniranja troškova grijanja po Uredbi o subvencioniranju troškova grijanja ("Službene novine Kantona Sarajevo", br. 4/05, 7/08, 37/13, 51/14, 8/18, 9/19 i 50/20).

**Član 2.**

(Visina novčanog iznosa subvencioniranja troškova grijanja)

Visina novčanog iznosa subvencioniranja troškova grijanja za mjesec januar, februar i mart 2021. godine iznosi 100,00 KM mjesečno.

**Član 3.**

(Stupanje na snagu)

Ova instrukcija stupa na snagu narednog dana od dana objavljivanja u "Službenim novinama Kantona Sarajevo".

Broj 13-04/2-02-2146/21

05. februara 2021. godine

Sarajevo

Ministrica

Ivana Prvulović, s. r.

**Ministarstvo za odgoj i obrazovanje  
Kantona Sarajevo**

Na osnovu člana 52. stav (1) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), čl. 5. i 12. Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 50/20), člana 41. stav (1) Uredbe o načelima za utvrđivanje organizacije kantonalnih, gradskih i općinskih organa uprave i upravnih organizacija ("Službene novine Kantona Sarajevo", br. 36/06, 8/12 i 39/16) ministrica za odgoj i obrazovanje Kantona Sarajevo, uz saglasnost Vlade Kantona Sarajevo, donosi

**PRAVILNIK****O UNUTRAŠNJOJ ORGANIZACIJI MINISTARSTVA  
ZA ODGOJ I OBRAZOVANJE KANTONA SARAJEVO****POGLAVLJE I - OPĆE ODREDBE****Član 1.**

(Predmet)

Ovim pravilnikom utvrđuje se: unutrašnja organizacija Ministarstva za odgoj i obrazovanje, (u daljem tekstu: Ministarstvo); vrste organizacionih jedinica i njihov djelokrug; sistematizacija radnih mjesta po organizacionim jedinicama; opis poslova svakog državnog službenika i namještenika i ovlaštenja; odgovornosti državnih službenika i namještenika u obavljanju poslova; rukovođenje Ministarstvom i organizacionim jedinicama; ovlaštenja u rukovođenju i odgovornost za obavljanje poslova; stručni kolegij i radna tijela; saradnja u vršenju poslova i zadataka; programiranje i

planiranje rada; radni odnosi; disciplinska odgovornost državnih službenika i namještenika te javnosti rada.

**Član 2.**

(Principi)

Unutrašnja organizacija i način rada Ministarstva zasniva se na sljedećim principima:

- da unutrašnja organizacija bude racionalna i da osigurava uspješno i efikasno obavljanje svih poslova iz nadležnosti Ministarstva;
- da se grupisanje poslova u jednu cjelinu vrši prema njihovoj međusobnoj povezanosti i srodnosti, vrsti, obimu, stepenu složenosti, odgovornosti i drugim uslovima za njihovo vršenje;
- puna i ravnomjerna zaposlenost svih državnih službenika i namještenika i da mogu doći do izražaja njihove stručne i druge sposobnosti,
- da se broj izvršilaca odredi tako da bude adekvatan vrsti, obimu i složenosti poslova iz nadležnosti Ministarstva;
- da se izvrši pravilna raspodjela poslova na poslove za koje su nadležni državni službenici i poslove za koje su nadležni namještenici.

**Član 3.**

(Djelokrug Ministarstva)

Ministarstvo vrši upravne, stručne i druge poslove utvrđene ustavom, zakonom i drugim propisima, koji se odnose na ostvarivanje nadležnosti iz oblasti predškolskog, osnovnog i srednjeg obrazovanja te ostalim poslovima, zadacima i nadležnostima Ministarstva koji za cilj imaju osiguranje podrške u realizaciji osnovne funkcije Ministarstva na efektivan način.

**POGLAVLJE II - UNUTRAŠNJA ORGANIZACIJA I  
DJELOKRUG ORGANIZACIONIH JEDINICA  
Odjeljak A.- Unutrašnja organizacija****Član 4.**

(Unutrašnja organizacija Ministarstva)

- Poslovi iz djelokruga Ministarstva vrše se u okviru sljedećih osnovnih organizacionih jedinica:
  - Sektor za predškolski, osnovni odgoj i obrazovanje;
  - Sektor za srednje obrazovanje i obrazovanje odraslih;
  - Sektor za informatizaciju, međunarodnu saradnju, evropske integracije i pravne poslove;
  - Sektor za saobraćaj i edukaciju;
  - Sektor za ekonomske poslove.
- U sastavu Sektora za predškolski, osnovni odgoj i obrazovanje predviđeno je da se obavljaju poslovi unutrašnjih organizacionih jedinica: Odjeljenje za predškolski odgoj i obrazovanje i Odjeljenje za osnovni odgoj i obrazovanje.
- U sastavu Sektora za srednje obrazovanje i obrazovanje odraslih predviđeno je da se obavljaju poslovi unutrašnjih organizacionih jedinica: Odjeljenje za opće srednje obrazovanje i Odjeljenje za srednje stručno obrazovanje i obrazovanje odraslih;
- U sastavu Sektor za informatizaciju, međunarodnu saradnju, evropske integracije i pravne poslove predviđeno je da se obavljaju poslovi unutrašnjih organizacionih jedinica: Odjeljenje za informatizaciju, međunarodnu saradnju i evropske integracije te Odjeljenje za normativno-pravne poslove i harmonizaciju propisa;
- U sastavu Sektora za ekonomske poslove predviđeno je da se obavljaju poslovi unutrašnjih organizacionih jedinica: Odjeljenje za finansije i računovodstvo i Odjeljenja za javne nabavke.